

豫

章

贊

書

第一八六册

朱中尉詩集卷四

明 朱議霽著

七言律

命楫孫往桃花嶺省墓

世亂悠悠多病身
高岡執手益傷魂
出門猶記垂髫子
歸路居然負擔人
我在此時知結友
汝生斯世尙無君
先塋一拜如何哭
莫使哀春杜宇聞

曾庭聞邀騎馬過龍須看地歸適李咸齋至云

早過冠石視楫兒病

十年倚杖誰騎馬
眼暗髀創膝不申
燈下正嗟人坐

老酒中愁見客呼門乾坤潦倒雙鸛骨風雨支吾一幅巾
吾子病深應作苦感君念我獨傷神

辛丑春看任幼剛吳子政鉅

結茅送老古梅川有子躬耕川上田但謂荷鋤容食
力安知負病遂經年梅花開盡臘前蕊橋木初平雨
後泉相對何曾殊舊日祇今愁思輒潸然

承李默齋爲楫兒視病

年年將病送殘春今日花開只閉門酒力果難通此
夜方書何苦誤斯人止啼滿徑空黃葉偏客前山有
白雲但使吾兒能不死擔囊負杖許從君

懷彭躬菴

正是思君徙倚時
梅花片片落高枝
草湖屋後同呼酒
冠石柴邊獨賦詩
方外書還開益遠
山中人老恨何之
瘦男病久殊哀食
藥論醫經日掩扉

辛丑正月廿一日雪同諸子飲

一冬苦雨接初春
每日峯頭望雪雲
厯厯紙窗人不寐
蕭蕭竹屋夜猶聞
飢寒未必稱貧士
歌哭相從憶酒人
徑仄陂深天又暮
桃花獨樹對衡門

春日讀匡廬遊草

行看谷口桃將放
坐對梅花香漸闌
策杖幾時離冠

石輟耕直欲到匡山吳頭楚尾白形勢古木幽人相
往還誰使東巖成一老來詩把讀已開顏

冠石

城西之石峯嶙峋冠石之冠古製存初以力耕久爲
客時因避亂還成村窗間無數桂花葉屋裏一株桃
樹根山口竹柝響清晝遠林歸盡鋤茶人

魏石牀柱示白菊詩因和

種日如何分紫色開時亦只數金錢鵝籠乃肯寫白
意菊花以汝爲知言半髮短濯寒露下瘦杖直立秋
風前盤溪十里喜相過力疾起吟清渠邊

山中新晴喜王頗菴枉過

書到言登石鼓峯
茶人春盡未相從
正看風日能如此
纔識鬚眉自不同
千里江南嗟落羽
十年嶺北學爲農
鄉情今日猶關切
鐵甕金壇似夢中

楊山訪友

千尺天峯西郭前
長橋淺水帶漁船
出門以此不知暑
采隱于君似得泉
細草無名紛老眼
疎枝隨意上頽垣
看來何處非圖畫
笑謝王維守輔川

讀大冢宰公行狀東宜振竹林

元老孤城竟死之中
丞傳後不須疑貪生
但使金能

曠先去室無枝可依庶見衣冠傳舊德今知忠孝有
餘師自慚同地論交晚不及牀前入拜時

下橋

侵晨懷刺出西關每到長橋意自閒兩岸人家齊種

樹一溪流水曲依山下船春米先冬辦

船上設輪與
日以毘堰水

置船急流處
衝輪杵米

傍屋犁田入夜還直欲此間成小築憂

時復恐徙家難

贈廩山西堂靜公兼東適大師

相逢豈意古黎陽哭罷還歌此夜長萬里舉頭瞻北
極三年行脚在西堂死心人荷烏藤杖泣血詩歸繙

布囊馬祖叢林徧天下當令一坐斷諸方

寓報恩寺聽顧龍川語林大托孤事感賦

詳冰叔送

龍川

敘

忍能覩面負生君廷尉何勞直署門
長夏茶籠來古寺初秋殿閣共南薰
相逢但謂風塵老久客幾知慷慨人
多少遺孤荒塚在獨留杜宇自招魂

南園贈鄧貢父

南市久聞成馬肆旅人今喜間山園
竹於牆外疑無屋亭在江邊卽是船
細雨過花初落石涼風到樹欲鳴
烟况君好客多真意襍被終來一醉眠

飲有竹園因悼許雋萬竹意諸公

盆列花枝看水桂
砌生草樹愛秋蘭
微風入戶當良宴
新雨留人出好山
十日縱來難盡飲
三秋相見易開顏
東谿忽憶同遊者
一去人間竟不還

客中喜顧荈同其友來

十日期君同出門
客中二日更思君
荒城初合山前雨
急水已過原上村
砍地莫哀吾已老
放歌須酒意難陳
安知又得交吾子
世事應推年少人

梅花時喜躬菴歸卽書爲祝仲立壽

兩年纔見故人歸
尤喜巖南正放梅
獨石能留冬日

好連林不到晚風吹欲憑持贈之千里安得來遊共
一杯爲說今年君六十相看使我益低徊

同甘健齋躬菴攜室東孫遊值白桃花

嘉客春晴正好遊下完石磴涉溪流半園老菜黃花
炤十尺清渠蒼壁浮稚子無心惟一往野人高興輒
淹留當前忽見白桃藥幾點臨風草樹頭

二

分枝種核不能成誰意逢之在此行免我歷年勤灌
溉慙君覲面昧生平相期西嶺閒雲影獨送東巖流
水聲斗酒亟攜須盡醉天涯何必惜分明

金精懷古

長沙五嶺在其南襟帶湖湘控百蠻開國勳庸多女
寵分封茅土豈遊聞興圖自紀金精洞方士因傳石
鼓山高帝當年猜忌甚將無彷彿赤松間

讀石城廖太初刺史傳中云三王之國時欲折
沿江民屋輓舟公編木筏置江澚船以次曳
上屋得不毀有感于辛丑之役也作此詩

使君昔在當塗縣帝子分封正輓舟盡道沿崖皆苦
役直令徧戶不知愁楚吳濟餉全加派嶺北徵夫若
繫囚記得當年三伏裏生離死別哭啾啾

癸卯五日早至程山值謝約齋先生外出

與上舟中三日行雨時負擔入西城萍開魚過翻無
影水滿荷傾煞有聲野鳥愛人留獨樹山風吹葉下
閒庭今年五日兼元日自嘆狂馳老此生

二

入戶初聞蓮葉香四圍高竹立如牆欲於左角爲樓
屋直見西溪下草堂到此輒言山大好幾時能與子
偕臧晨飢竟入煩湯飯彷彿雁公主客忘

何天若過寓投以詩約旦日飲酒酬元韻

獨樹閒庭日色曛披衣宴坐忽來君
舊薇浣手方成

露杯酒招子更論文大劍長槍堪命世更毫龍尾自
爲羣頓忘懷有彌衡刺明日高樓看白雲

過龍湖渡訪友

一見溪流心已涼捨船覓路傍長楊圍人水蔭瓜瓞
熟夏日風吹禾黍香野寺問僧惟乞茗閒亭作客漫
登床世情益睡非吾事山色陰雲出短牆

壽昌訪其公喜與日怡上人談詩酬元韻

粗杖終年梅水隈酒酣時喚老農陪誰爲國士甘吞
炭自分寒儒謝畫灰潮長百川能善下詩攻三體恨
風頽最憐神駿尋支遁何意逢君笑口開

黎川送徐任伯還楚子亦將還金精

無有墜城在目中如君纔是楚人風
酒情真欲忘天遠車迹何曾泣路窮
世上幾時存故舊山間有土任從容
秋聲一到子歸去贏得相思十二峯

贈別隨州何天目

漢東之國隨爲大君反栖栖道路中
草字須知原有聖工詩莫謂果能窮
自來國士門風在何處東亭情好隆
歸去掩關編四史嚴霜九月落高風

酬陳崑夏原韻仍約九日枉過冠石

主意徒悲白玉盤黃花寂寞楚人餐
名山負此多佳

日好客將誰延古歡病後酒腸真是窄目中天宇亦
何寬身非曠士難登望野岸芙蓉待汝看

九日奉贈東山翁見慰原韻

世事千盤與萬盤感君相見勸加餐圖農請學慚非
老稚予當前果大歡讀史誰將爲俊傑生平今已備
艱難中原聞說都安穩青壁茅齋且獨看

過彭商叟苟全居

德操尙執田奴事王粲殊深鄉國情人道膠廬依帝
冑誰知抱膝托儒生多年南峴瞻城郭幾日西山列
戶庭名士到今曾似爾吟詩栽樹費經營

壽李官玉先生七十

朝廷醉眼送江東，嘗痛桓靈喪亂同。
自我耕農依冠石，懷君兵火共蕭峯。
晚年得子看婚娶，盤谷移家有弟兄。
何事怕人來獻壽，角巾瘦杖訪山松。

盱水贈宋岸先

結客不肯結熱客，一逢寒士卽歡顏。
十年心事燈前舞，百里晴嵐馬上看。
豪俠漫誇河朔會，周旋直在鄭陳間。
阻船白晝全無恨，更出奇書似賈山。

送曾省之遊廣州

笑我勞勞道路間，今年閉戶當加餐。
野田勸僕春驅

續豪客欺人夜扣關子可負薪方省慕妻能炊黍復
移山送君東檐東遊粵路在門前信不閒

麻橋訪章弼自童子塾中兼訂麻源之遊

章氏祠堂近市廛訓蒙教子老遺編直從龔齋知神
駿豈向胡孫問水田眼見太平須上壽坐聞獨睡已
三年匡床徹絮竹爐火似汝無營真是賢

二

麻源聞說勝桃源

弼自隱麻源

大笑文人每浪言靈遲好

遊心已雜淵明醉酒石能傳兒留笋肉知供客婦把
耰鋤學灌園相對已然高士意披衣終向草堂前